

Gvangjsih Minzcuz Bau

ganhhau: CN45-0036 B.2015 Nd.10 Ng.28 liggaueq ietfeih nienz ndwengouj cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3196期

Bi 2015 Daengx Gih Hong Vah Minzcuz Gvangjbo Densi Cezmuz Codanzvei Youq Vujmingz Ciuhai 2015 年全区民族语广播电视节目工作座谈会在武鸣县召开

10 nyied 21 hauh, Swcigih Sinhvwenz Cuzbanj Gvangjden Giz youq Vujmingz Yen ciuhai Daengx Gih Hong Vah Minzcuz Gvangjbo Densi Cezmuz Codanzvei. Swcigih Sinhvwenz Cuzbanj Gvangjden Giz dangicuj fusuhgi、fugizcangj Cinz Yizgungh camgya haihoih caemhcai gangj vah guh cijdauj, Swcigih Minzyijveij fucujyin Yangz Gijbyauh wngqiu camgya haihoih caemhcai gangj vah. Gvangjsih Yinzminz Gvangjbo Dendaiz、Gvangjsih Densidaiz、swcigih caeuq mizgven si yen (si、gih) sinhvwenz cuzbanj gvangjden bouhmonz bouxfucwz gungh 46 vunz camgya codanzvei.

Cinz Yizgungh youq gwnz hoih dauqyawj le geij bi neix daeuj gij cujyau cingzcik caeuq gihbwnj gingniemh vah minzcuz gvangjbo densi saehnieb gih raeuz aeundaej haenx. De naeuz, gaenh geij bi neix

daeuj, daengx gih gak gaep sinhvwenz cuzbanj gvangjden bouhmonz gig yawjnaek hong vah minzcuz gvangjbo densi, youq senhconz、minzcuz、minzyij daengj mizgven bouhmonz haeuicoengh caeuq boiqhab baihlaj, fanhoiz caeuq boqcuengq vah minzcuz gvangjbo densi cezmuz, cungj hwngfat haemq daih, daengx gih gaenq miz 24 aen si yienh haiboq le vah minzcuz gvangjbo densi cezmuz. Hoeng, gij hong vah minzcuz gvangjbo densi gih raeuz hix miz haujlai hojnanz mbouj ndaej yawjsiuj, cujyau dwg cezmuz neiyungz mbouj gaeuq fungfouq, cienzgaenz mbouj cuk、vunzcaiz giep noix, sezbei daiq gaeuq daengj. De daez naeuz, swcigih、si、yienh aeu caez ok rengz, sam gaep lienzdoengh, caez laeb guh gwzgziz moq daengx gih vah minzcuz gvangjbo densi cezmuz, dajcaux cinghbinj.

Yangz Gijbyauh daiqbiuj

Swcigih Minzyijveij cukhoh gih raeuz vah minzcuz gvangjbo densi saehnieb aeundaej cingzcik daih. Gij cingzcik neix dwg daihgya doengzcaez roengz-rengz guhbaenz, Swcigih Minzyijveij baezlaeng yaek laebdaeb boiqhab gvangjden bouhmonz guh ndei cungj hong neix. De daez naeuz, aeu guh ndei baujcang diji, gyagiengz haeu-laeg diuyenz daengx gih hong vah minzcuz gvangjbo densi, yenzgiu ceihdingh cungjdae iugouz caeuq hwngfat muzbyauh, ceng' aeu dawz gij hong neix nabhaeuj daengz ndaw hong cangzgei cwngfuj bae.

Youq gwnz codanzvei, Gvangjsih Yinzminz Gvangjbo Dendaiz、Cungz-coj Si Gvangjbo Densidaiz、Vujmingz、Cingsih daengj sinhvwenz cuzbanj gvangjden bouhmonz bouxfucwz gonqlaeng guh le denjhingz fazyenz.

(Luz Yaujli/陆晓荔 Moz Liujgvei/莫柳桂)

Gungheungz: Banzvuengz Miuhhoih Yinx Hekyouz Guekrog Daeuj Yawj

恭城:盘王庙会吸引老外前来体验

10 nyied 21 hauh, binaengz liggaueq gouj nyied cogouj dwg ngoenz miuhhoih Miuhbanzvuengz Gungheungz Yauzcuz Swciyen Lenzvah Cin Lungzveiz Cunh Mbanjdoozgoj. Dangdieg beix-nuengx Yauzcuz yungh gij fuengsik fouxlunz fouxsaecij、doiqfwen caeuq diuqfoux daengj gingq Banzvuengz, gouzfuk, hoh fungsou. Doengzseiz dangdieg cwngfuj gaenxmaenx sonyinx vunzmbanj guh ndei minzsuz lijyouz hozdung, yinx ndaej haujlai hekyouz ndaw guek rog guek daeuj yawjgonz daejniemh gij fungcingz Yauzcuz naekna haenx. Ndaw doz dwg hekyouz guekrog caeuq beixnuengx Yauzcuz itheij diuq foux.

(Liengz Veih/梁辉 Liuz Cin/刘振)

Cingsih Go Gagsij Bonjdieg 《Aendomq Dahnuengx》Hwnj Yanghsi 靖西本土原创歌曲《阿妹的绣球》上央视

Mboengqneix, Guengjsae bouh daih'it ciengqgo denyingj、Cingsih Yen go gagsij bonjdieg 《Aendomq Dahnuengx》youq yanghsi ciengqgo binzdau cuengqok. Cuengqok le, yinx ndaej haujlai vangjyouj soudingq、cienjcai, vih fatyengz Bouxcuengh conzdungj vwnzva、demgya Cingsih okmingz caeuq yingjyangliz guh senhconz.

Hot go neix yungh yaemdiuh

fwen Sanggya guh sucaiz bujgo, hotgo fanfoek giengzdiuh aendomq baenz mbaet baenz mbaet cim nyib、baenz diuz baenz diuz mae seuj, doenggvaq lumj dahsau Mbanjcuengh naj launyaenq nei, yungh gij soujap siengj haenh gaemh gonq, aeu Mbanjcuengh doxgaiq dingh-cingz——aendomq sij okdaeuj.

Ciuq cam rox, yanghsi ciengqgo binzdau 《Minzgoh • Cungguk》lanz-

moeg dwg Cungguk dandog dang yienh'ok Cungguk yenzswngldai minzgoh yisuz cezmuz he, vih yienh'ok Cungguk minzgoh daez-hawj le aen seizndei caeuq bingzdaiz gvangqlangh he. Geiz neix cuengqok 10 hot minzgoh, ndawde Guengjsae cij miz 《Aendomq Dahnuengx》ndaej senj haeuj.

(Vangz Meijli/黄美丽)

SIUSIK DINJ 简 讯

● 10 nyied 23 hauh, bi 2015 Cauhbingz Yen “ndwencib goh-buj daihhengzdoengh” hainduj yizsi nem “gohbuj haeuj hag-dangz” hozdung youq Cauhbingz Yen Daihhaj Cunghyoz cingqsik haimuq. Daihhagseng Hocouh Yozyen caeuq gvendaengz bumwnz doenggvaq baijok doxgaiq gohbuj、fat swliu senhconz daengj, yiengq gyoengq lauxsae hagseng senhconz cienzson gohyoz cihsiz.

(Liuz Feih)

● 10 nyied 23 hauh, Yungzanh Yen Daboh Yangh Gangjveij Cunh Mbanjswyangh banh ciet vwnzva gaeqdoj, doenggvaq gaeqdoj senj lengj、gaeb gaeq doxdax、ngaizgaeqbak daengj hozdung, cienzmienh yienh'ok cwngzgoj dangdieg youq ndaw ndoengfaex ciengx gaeq, daezsang gij mingzdaeuz gaeqdoj, bangcoengh bouxguhnaz gya-gvangq hawciengz gai gaeqdoj.

(Danz Gaijhingh)

● Gaenh geij bi neix daeuj, Denhdwngj Yen Cingez Cin dangjveij cwngfuj ciuq dieg bae guh, sonyinx vunzlai hwngfat dajndaem duhndaem, seizneix Mbanjdenhnanz、Mbanjmunj-yangj、Mbanjbini、Mbanjveizli hwngfat dajndaem duhndaem 3000 moux, ndawde ndaem baenz benq 2000 moux, duhndaem canjlieng daihgaiq 30 fanh goenggaen, canjci 330 lai fanh maenz, fanh lai vunz souh'ik.

(Vangz Lilanz)

● 10 nyied 20 hauh, Lungz-swnGak Cuz Swciyen Seiswz Yozvei banh “vuenyungz gouj nyied gouj” ngonsei boihsei hozdung, daengx yienh miz 200 lai boux gyaenz seiswz daj 10 aen yanghein daeuj de yungh sei gyauyoux, doxcomz youq giz haenx, hoh aen ciet gouj nyied gouj neix.

(Banh Cisiengz)

● Gaenh song bi neix daeuj, baengh Laizbinh Si Minz-cunghveij gvensim nem haeuicoengh, Ginhsiu Yauzcuz Swciyen guh hong minzcuz mouyi nem canjbinj ndaej gaijbienq gig lai, hongsaeh bienq ndei lo. Bi' gvaq miz song aen minzcuz mouyi giyez ndaej boujdiep leihsik daigvanj 234.58 fanh maenz.

(Veiz Yinbinh Ou Minjli)